

**UDHËZIM**  
**Nr. 1, datë 27.1.2023**

**PËR MIRATIMIN E FORMËS DHE AFATEVE TË PARAQITJES SË TË DHËNAVE  
DHE INFORMACIONIT PËR KONSUMIN E ENERGJISË**

Në mbështetje të pikës 4, të nenit 102 të Kushtetutës; të pikës 3, të nenit 28, të ligjit nr. 124/2015, datë 12.11.2015, “Për eficientësin e energjisë”, të ndryshuar,

**UDHËZOJ:**

1. Agjencia për Eficientësin e Energjisë (AEE) siguron informacionin dhe të dhënat, lidhur me konsumin e energjisë në vend dhe kostot e tyre përkatëse, në përputhje me aktet ligjore në fuqi dhe dispozitat e këtij udhëzimi.

2. AEE-ja siguron informacion të përditësuar mbi të dhënat identifikuese të menaxherit të energjisë, të punësuar pranë Konsumatorit të Madh të Energjisë, sipas shtojcës III.

3. Çdo term i përdorur në këtë udhëzim, ka të njëjtin kuptim me termat në ligjin nr. 124/2015, datë 12.11.2015 “Për eficientësin e energjisë”, të ndryshuar.

4. AEE-ja merr informacion dhe të dhëna lidhur me konsumin final të energjisë dhe konsumin e të gjitha llojeve të energjive nga:

a) personat fizikë ose juridikë privatë që zhvillojnë një aktivitet ekonomik ose social dhe konsumojnë energji;

b) personat fizikë ose juridikë, privatë të kategorizuar si konsumatorë të mëdhenj të energjisë;

c) institucionet shtetërore qendrore dhe vendore që konsumojnë energji;

ç) shoqëritë e shpërndarjes dhe/ose furnizimit me energji elektrike, gaz natyror, energji termike, nënprodukte naftë, qymyr, dru zjarri, biomasë ose çdo burim tjetër energjie, qofshin ato publike ose private;

d) AEE-ja mund të marrë informacion dhe të dhëna lidhur me konsumin e energjisë edhe nga INSTAT-i, Enti Rregullator i Energjisë apo çdo institucion tjetër qendror apo vendor që mbledh dhe grumbullon të dhëna apo informacione lidhur me konsumin e energjisë.

5. Të dhënat dhe informacioni që AEE-ja merr nga subjektet e përcaktuara në pikën 3, përfshijnë:

a) të dhëna të përgjithshme lidhur me përdoruesin e energjisë, përfshirë listën e objekteve që konsumojnë energji;

b) të dhëna lidhur me konsumin final të energjisë, tipat e energjive dhe kostot tyre;

c) të dhëna lidhur me tregues të caktuar që japin nivelin e eficientësisë së energjisë në aktivitetin e tyre.

6. Të dhënat dhe informacioni për konsumin e energjisë nga konsumatorët klasifikohet si i detyrueshëm ose opsional. Të dhënat dhe informacioni i detyrueshëm është ai që kërkohet për konsumatorët e mëdhenj të energjisë ose kur kërkohet specifikisht nga AEE-ja për konsumatorët e tjerë sipas këtij udhëzimi. Dërgimi i të dhënave opsionale është në vullnetin e lirë të përdoruesit të energjisë.

7. Me qëllim të identifikimit të konsumatorëve të mëdhenj të energjisë, AEE-ja zbaton procedurat e mëposhtme:

a) AEE-ja i kërkon Operatorit të Shpërndarjes së Energjisë Elektrike (OSHEE)-së dhe Operatorit të Sistemit të Transmetimit (OST) që t'i dërgojnë brenda datës 31 janar të çdo viti listën e klientëve fundorë të energjisë elektrike që gjatë vitit paraardhës kanë pasur një konsum më të madh se 0.5 milion kWh;

b) të gjithë konsumatorët që rezultojnë me një konsum më të madh se 1 milion kWh energji elektrike gjatë vitit paraardhës përfshihen në listën e konsumatorëve të mëdhenj të energjisë, që krijohet dhe përditësohet nga AEE-ja sipas pikës 8 të këtij udhëzimi;

c) AEE-ja kërkon brenda muajit shkurt të çdo viti nga konsumatorët që kanë konsumuar 0.5-1 milion kWh gjatë vitit paraardhës të paraqesin të dhëna lidhur me konsumin e burimeve të tjera të energjisë, nëse kanë, për vitin paraardhës. Konsumatorët i dërgojnë të dhënat e kërkuara sipas kësaj shkronje brenda datës 31 mars;

d) AEE-ja bën llogaritjet e konsumit total të energjisë nga konsumatorët subjekt i shkronjës “c” të mësipërme i ekuivalentuar në kWh/vit sipas tabelës së konvertimit të shtojcës IV të këtij udhëzimi për eficientësinë e energjisë dhe përfshin në listën e konsumatorëve të mëdhenj të gjithë konsumatorët me një konsum total të burimeve të energjisë më të madh se 1 milion kWh në vit.

8. AEE-ja krijon dhe mban një listë të përditësuar të të gjithë konsumatorëve të mëdhenj të energjisë të identifikuar sipas pikës 6, të cilët në përputhje me dispozitat e ligjit nr. 124/2015 “Për eficientësinë e energjisë”, i ndryshuar, të cilët janë subjekt i dërgimit të detyrueshëm tek AEE-ja i të dhënave të konsumit të energjisë dhe kostove të tyre, për të gjitha llojet e burimeve të energjisë për vitin pasardhës në formatin e përcaktuar në shtojcat 1 dhe 2 të këtij udhëzimi.

9. AEE-ja mund të kërkojë nga konsumatorët e tjerë të energjisë, të cilët nuk përfshihen në listën e konsumatorëve të mëdhenj të energjisë dërgimin e të dhënave mbi konsumin dhe kostot respektive të burimeve të energjisë. Kërkesa me shkrim e AEE-së, do të përmbajë:

- a) llojin e së dhënës;
- b) njësitë matëse për të dhënat që kërkohen;
- c) periudhën për të cilën kërkohen të dhënat;
- d) formatin apo mënyrën se si do të dërgohen të dhënat;
- e) afatin brenda së cilës duhen dërguar të dhënat, i cili nuk mund të jetë më i shkurtër se tre muaj nga dita e dërgimit të kërkesës.

10. Me qëllim të monitorimit të performancës energjetike të çdo objekti që konsumon energji, përveç të dhënave lidhur me konsumin e energjisë, AEE-ja kërkon nga konsumatorët përkatës të energjisë, qofshin ata të mëdhenj ose jo, edhe të dhëna lidhur me aktivitetin e tyre gjatë së njëjtës periudhë kohore në formën e treguesve të mëposhtëm:

- a) për bizneset tregtare dhe ndërtesat administrative konsumin e energjisë kundrejt sipërfaqes që përdoret për aktivitetin e tyre;
- b) për hotelet, spitalet dhe ndërtesat e tjera të përdorura për akomodim të personave (azilet, çerdhet, kopshtet etj.) konsumin e energjisë kundrejt sipërfaqes që përdoret, numrin e netëve të qëndrimit për person (pacient) për vit;
- c) për shoqëritë e transportit të njerëzve konsumin e energjisë (lëndës djegëse) kundrejt numrit të kilometrave të udhëtimit për pasagjer në një vit;
- d) për shoqëritë e transportit të mallrave konsumin e energjisë (lëndës djegëse) kundrejt numrit të kilometrave të transportuara për ton në një vit;
- e) për shoqëritë që përdorin energji për prodhimet e tyre konsumin e energjisë për produkt ose për ton prodhimi, si dhe konsumin e energjisë për çdo të punësuar.

11. Konsumatorët e mëdhenj të energjisë, që janë të detyruar të dërgojnë të dhënat lidhur me konsumin dhe kostot e energjisë dhe konsumatorët e tjerë të cilëve nga ana e AEE-së iu kërkohet me shkrim të dërgojnë të dhëna mbi konsumin e energjisë sipas këtij udhëzimi do të sigurojnë që të dhënat e dërguara AEE-së janë të sakta dhe të vërteta. Në rast se AEE-ja konstaton apo verifikon se të dhënat dhe informacioni i dërguar nga konsumatorët e energjisë nuk janë të sakta ose të vërteta, ajo mund të marrë masa administrative në përputhje me dispozitat e nenit 26 të ligjit nr. 124/2015, datë 12.11.2015 “Për eficientësinë e energjisë”, i ndryshuar.





### SHTOJCA III

Të dhëna	
Emri	
Atësia	
Mbiemri	
Datëlindja	
Arsimi i lartë	
Nr. i certifikatës	
Kohëzgjatja e kontratës së punësimit	

### SHTOJCA IV PËRMBAJTJA ENERGJIKE E LËNDËVE TË ZGJEDHURA PËR PËRDORIM FINAL – TABELA E KONVERTIMIT

<i>Bartësi energjisë</i>	<i>kJ (VKN)</i>	<i>Kgoe (VKN)</i>	<i>kWh (VKN)</i>
1 kg qymyr	28 500	0,676	7,917
1 kg qymyr i fortë	17 200 — 30 700	0,411 — 0,733	4,778 — 8,528
1 kg briketa qymyr ngjyrë kafe	20 000	0,478	5,556
1 kg linjit i zi	10 500 — 21 000	0,251 — 0,502	2,917 — 5,833
1 kg qymyr kaf	5 600 — 10 500	0,134 — 0,251	1,556 — 2,917
1 kg naftë guri argjilor	8 000 — 9 000	0,191 — 0,215	2,222 — 2,500
1 kg torfe	7 800 — 13 800	0,186 — 0,330	2,167 — 3,833
1 kg briketa torfe	16 000 — 16 800	0,382 — 0,401	4,444 — 4,667
1 kg mazut	40 000	0,955	11,111
1 kg mazut i lehtë	42 300	1,010	11,750
1 kg benzinë	44 000	1,051	12,222
1 kg diezel	42 300	1,010	11,750
1 kg vajgur	40 000	0,955	11,111
1 kg gaz (GLN)	46 000	1,099	12,778
1 kg gaz natyror (93% metan)	47 200	1,126	13,10
1 kg gaz natyror i lëngshëm	45 190	1,079	12,553
1 kg dru (25% lagështi)	13 800	0,330	3,833
1 kg pelet	16 800	0,401	4,667
1 kg mbetje	7 400 — 10 700	0,177 — 0,256	2,056 — 2,972
1 MJ nxehtësia e përftuar	1 000	0,024	0,278
1 kWh energji elektrike	3 600	0,086	1